

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 26.09.2023թ. թիվ 2317130262 որոշումն անփոփոխ, իսկ վարչական բողոքն առանց բավարարման թողնելու մասին

<<18>> 10 2023թ. 7-13- 10828

ք.Երևան

Ճանապարհային ոստիկանության պետ, ոստիկանության գնդապետ Ն.Սարգսյանս, վերանայելով Վահե Սարոյանի ՄԴ/84835-23 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Վահե Սարոյանը (ծանուցման հասցե՝ քաղաք Երևան, Միքայելյան փողոց, 1/1 շենք, 14 բնակարան) դիմումով խնդրել է անվավեր ճանաչել Ճանապարհային ոստիկանության վարչական տույժ նշանակելու մասին 26.09.2023թ. թիվ 2317130262 որոշումը՝ նշելով, որ պարեկային ծառայության ծառայողի հրահանգով է երթևեկել նշված ուղղությամբ:

Դիմումի քննարկման արդյունքում պարզվել է, որ վարչական տույժ նշանակելու մասին 26.09.2023թ. թիվ 2317130262 որոշումը ենթակա է կատարման՝ հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հադվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

<< կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> 28.06.2007թ. թիվ 955-Ն որոշման Հավելված N 1-ի Ձև N 1-ի համաձայն՝ 4.1.2՝ «Երթևեկությունը դեպի աջ» թելադրող նշանը թույլատրվում է երթևեկել միայն նշանի վրա սլաքով ցույց տրված ուղղությամբ:

Ճանապարհային ոստիկանության վարչական տույժ նշանակելու մասին 26.09.2023թ. թիվ 2317130262 որոշման հիմքում դրված տեսանյութը փաստում է, որ 12.09.2023թ. ժամը 08:23-ին <<TOYOTA>> մակնիշի 01NN801 հաշվառման համարանիշի տրանսպորտային միջոցի վարորդը Երևան քաղաքի Ազատության - Ն.Զարյան - Ա.Տիգրանյան փողոցների

խաչմերուկում 4.1.2' <<Երթևեկությունը դեպի աջ>> ճանապարհային նշանի տեղակայման վայրում կատարել է ձախ շրջադարձ, որն անխուսափելիորեն չի կատարվել երթևեկության այլ մասնակցի գործողության կամ անգործության պատճառով, հետևաբար թույլ է տվել Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասով նախատեսված արարք:

Ինչ վերաբերում է դիմուատուի այն պնդմանը, որ պարեկային ծառայության ծառայողի հրահանգով է երթևեկել նշված ուղղությամբ, ապա այն արժանահավատ համարել հնարավոր չէ, քանի որ տեսանյութում նման դրվագ առկա չէ:

Այսպիսով, Ճանապարհային ոստիկանության վարչական տույժ նշանակելու մասին 26.09.2023թ. թիվ 2317130262 որոշումն իրավաչափ է և օրինական:

Ելնելով վերոգրյալից, ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 26.09.2023թ. թիվ 2317130262 որոշումը թողնել անփոփոխ, իսկ վարչական բողոքն առանց բավարարման.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում.
3. Սույն որոշման օրինակն ուղարկել Վահե Սարոյանին:

